



## Fesoasoani i le Faamasani o Lou Alo i A'oa'oga Amata ma Tautua Fesoasoani



SAMOAN

O se amataga lelei i le a'oa'oga amata o le tamaititi e tāua. E tāua ona e lagonaina ma lou aiga le faalogona taliaina, saogalemu ma lagolagoina. O aso muamua o i tautua e faatatau i le iloaina e lou alo isi tamaiti ma amata se faiā talitonuina ma o latou faia'oga, tagata o faia a'oa'oga ma isi tagata tomai i le amataga o le tamaitiiti.

O A'oa'oga Amata a le Tamaititi ma tautua i Victoria ua faatonutonuina e le *Tausaga Amata o le A'oa'oina a Victoria ma Galuega Tauatia'e* (VEYLDF). O lenei fausaga ua ta'u atu ai i tagata a'oa'o e faapea o le faailoga o le tamaititi ma o latou aiga ma talaaga faaleaganuu fafau a'e ai le a'oa'oina o latou ma le tuputupua'e. E lagona e tamaiti le talia o latou ma lelei le a'oa'oina pe afai e faaaloalo ma amanaia o latou iloaga' (VEYLDF, 2016, pg. 12). O lenei malamalamaga o le a faailoa ai le vaaiga a latou o faia a'oa'oga i le lagolagoina o oe ma lou alo i le vaitaimi o lo latou faamasani ma le faaono lelei i o latou A'oa'oga Amata a le Tamaititi ma Tautua Fesoasoani.

E vaai le A'oa'oga Amata a le Tamaititi ma Tautua Fesoasoani o se faipaaga sosoo fatasi i le va o latou o faia a'oa'oga ma aiga o se faavae lea o se polokalame lelei. O faiā feavata'i mai le amataga o se faavae malosi o se tautua e lelei tele. E mafai ona e faatalitalia o le a mafana latou o faia a'oa'oga ma fafia e faafeiloa'i mai ma faalaeiauina le faaaogina o le gagana a lou aiga.

E mafai e tautua ona fesoasoani i fesoota'iga ma oe e ala i se faamatalaupu e ala i le telefoni e faamautinoa ai ua lelei le auala ua faailoa atu ai iā oe ma iai le avanoa e fai ai fesili ma sailia nisi faamatalaga i le gagana e sili ona e toafimalie ai. E faaopooo atu iai, o se tagata faigaluega fesoasoani e tautala i le gagana a lou aiga atonu o le a avanoa e fesoasoani i lou alo mo se vaitaimi puupuu a'o latou atia'e se sootaga ma se lagona e aogā mo ia le tautua.

E iloa lelei e le A'oa'oga Amata a le Tamaititi e avea aiga o se 'ta'aiga autu i a'oa'oga amata a le tamaititi ma le tuputupua'e' (VEYLDF, 2016, pg. 9). E faatāua ma sailia e latou o faia a'oa'oga manatu ma le aafia o aiga i tausaga amata o le polokalame. O lenei mea e le gata ina faailoa ai le faiga a latou o faia a'oa'oga ae fesoasoani foi i tamiati e atia'e le talitonu, malupuipua ma fesoota'i i le va ma tagata o iai iā latou a'oa'oga ma siomaga o tausiga ma siomaga i aiga e faapea ona faateleina ai i'uga mai a'oa'oga. E faalaeiauina ai foi aiga ina ia aafia i le tautua ma auai i le taimi o le amataina o vasega. E fesoasoani lenai mea e lagona ai e lou alo le soagalemu ma e fesoasoani e te malamalama ai poo ā mea e faia i le tautua pe afai ua na o lou alo ua iai i'inā e aunoa ma oe.

O le a iai i le peleni a lou alo se tautua mo le amataga a lou alo e fesoasoani iā te oe ma lou alo ia faamasni i tautua. E ono aofia i lenai mea;

- asiasi atu i le tautua ma lou alo a'o le'i oo ina amata aloaia ona auai
- amata ni vasega pupu'u ma faasolo ina faau'umi vasega e fesoasoani iā te oe ma lou alo ia lagona le to'afimalie.

O le a faaalu e latou o faia a'oa'oga amata a taimaiti le taimi ma oe ma fesili atu iā oe ni fesili e faatatau iā oe ma lou alo. O lenei mea e avatu ai iā latou se malamalamaga lelei i manaoga a lou alo ma fesoasoani iā latou e fafau se polokalame e faapea ona faateleina ai avanoa mo le a'oa'oina ma maua i'uga aogā mo lou alo.

O faata'ita'iga o faamatalaga e ono fesili atu ai tautua amata mo tamaiti ina ia faasoa ma i latou:

- Faamatalaga i le soifua maloloina o lau fanau – faamaumauga o tuipuipui, manaoga faafoma'i, ma'i ma mea e ilitata iai..
- Auala e manao e sui ai napetini, auala e manao e faaaogā ai le faleuila ma faiga masani i le aiga.
- Mea'ai e 'ai e tamaiti, taimi o tumasani i me'ai/faasologa masani ai.
- Taimi e malolo ai tamaiti/manaomia ona moe.
  - Pe tele ina latou momoe i se moega pepe, latou lava moga pe iai se isi la te momoe?
  - O ā pese e ono faamafanafana ai latou?
  - Pe iai se tusi e sili ona ia fiafia iai, se meata'alo faapitoa poo se palanikeke?
  - O ā taimi o le aso e masani ona latou malolo/momoe ai?
- O ā faamanatuga ma tu e tāua i lou aiga?
- O le a fiafia latou o faia a'oa'oga e talia nisi faamatalaga e te manao e faasoa ma latou.
- O le a iai foi au faamatalaga e faatatau i lou alo e te manao e iloa e Latou o faia a'oa'oga e faapea ona fesoasoani iā latou ina ia faia ai se sao a lou alo.

### **Isi auala e fesoasoani ai i lou alo 'o latou auai ma le toafimalie iā latou tautua amata mo tamaiti.**

- Faaalu le taimi ma lou alo i le tautua – faamatala faasologa masani o tautua mo lou alo, taa'alo, faitau tala ma usu pese i lau gagana.
- Fesoasoani iā latou e feso'ota'i ma isi tamaiti. Faalaeiau latou e nonofo i tafatafa o isi, faafeiloa'i atu latou i isi tamaiti, auai i gaoioiga fai ma ta'aloga.
- Fa'aalu le taimi e talanoa ai ma lou alo ma isi e tautatala i le gagana e tasi.
- Talanoa i lou alo e faatatau i mea o tutupu iā latou ma o latou faalogona: faamautinoa ma faalaeiau latou.
- Ia faamautinoa ua iloa e lou alo poo ai latou o a'oa'oina latou, o latou igoa ma e mafai ona o atu iai pe latou manaomi soo se fesoasoani. Tu'u atu iā latou avanoa e faata'ita'i ai ona ta'ua igoa o latou o faia a'oa'oga ma oe ma faata'ita'i le fesili mo se fesoasoani.
- Ia fai atu tofa i taimi uma a'o le'i aluese mai ma faamautinoa i lou alo o le a e toe foi mai mulimuli ane. E lelei le faato'afilemu o lou alo e ala i le fesoasoani iā latou e auai i se gaoioiga ma se tagata e faia a'oa'oga ma/poo isi taimaiti a'o le'i e alu ese.
- Talanoa i faasologa masani ma le siomaga o tautua a lou alo i lena po/taeo a'o le'i o atu ina ia avatau ai iā latou le avanoa e fesili ai i so'o se fesili ma e tali atu iai i so'o se mea o latou popole ai.
- Ia manatua o faia'oga ma latou o a'oa'oina lou alo o loo iai i linā e lagolago iā te oe ma lou alo i le taimi o tautua a lou alo.

---

#### **References**

Department of Education and Training, 2016. *Victorian Early Years Learning and Development Framework*.